

hinfur außgeen wurden, so ferre die dem iarmarckt zu Lypeczk zuuerhindrung vnd zuuerleczung oder abbruch komen mochten, yecz als dann vnd dann als yecz ganz vntuglich vnd crafftlos, sonnder meynen seczen vnd wellen auß eigem wolbedachtem mute mit rechter eigentlicher wissen vnd auß volkomenheit vnser keyserlichen macht, der wir hierinne gebrauchen vnd gebraucht haben wellen, daz die obgenanten vnser curfurste vnd furste bey irem vorgemelten iarmarckt zu Lypeczk vnd vnsern keyserlichen gnaden vnd freyheiten bleiben, die haben niessen vnd gebrauchen vnd dawider noch dise vnser declaracion keynerlay aufzug vnd excepcion stat haben solle oder moege, als ob sy mit beruffung der parthey vnd rechtlicher erkantnuß von vns außgangen were, all vnd yeglich abganng vnd gebruch, so sich villedicht form vnd zierlicheit halben der gerichte vnd rechten in diser vnser declaracion begeben hetten, von egedachten bewegnuss, keyserlicher macht volkomenheit vnd wissenntlich erfulende. Mit vrkund diß briefs besigelt mit vnser keyserlichen maiestat anhangendem insigel. Geben zu Grecz am erichtag vor sant Laurenczen tag nach Cristi geburde vierzehenhundert vnd im neunundsechzigisten, vnser reiche des Romischen im dreissigisten, des keyserthumbs im achtzehenden vnd des Hungrischen im aindlefften iaren.

Ad mandatum domini imperatoris in consilio.

Nach dem Orig. im Rathsarchiv zu Leipzig mit dem Siegel des Kaisers an Fäden von braunrother Seide. Lünig Reichs-Archiv. Pars spec. Cont. IV. T. II. 1. p. 638.

Ein Transsumt dieser Urkunde durch Bischof Thilo von Merseburg vom 31. Oct. 1469 mit dem Siegel des Bischofs an leinener Schnur im Rathsarchiv zu Leipzig.

No. 434. 1469. 7. Aug.

Ausschreiben des Kaisers Friedrich III., die Aufhebung des Halleschen Jahrmarktsprivilegiums und die Wiederherstellung des Leipziger Neujahrsmarktes betreffend.

Wir Friderich von gottes gnaden Romischer keyser zuallenzeitten merer des reichs, zu Hungern Dalmacien Croacien ꝛc. kunig, herczog zu Osterreich zu Steyer zu Kernnden vnd zu Crain, grafe zu Tyrol ꝛc. embieten allen vnd yeglichen curfursten fursten geistlichen vnd weltlichen grafen freyen herrn rittern knechten haubtleuten amptleuten burggrauen vogten phlegern verwesern schultheissen burgermaistern richtern reten burgern vnd gemeinden aller vnd yeglicher slosser stette merckte dorffere vnd gepiete vnd sunst allen andern vnsern vnd des reichs vndertanen vnd getrewen in was wurden states oder wesens die sein vnser gnad vnd alles gut. Erwürdigen hochgebornnen wolgebornnen edeln ersamen vnd lieben getrewen. Als wir vormals den hochgebornnen Ernsten des heiligen Romischen reichs erezmarschalkh vnd Albrechten gebrudern herczogen zu Sachssen, lanntgrauen in Doringen vnd marggrauen zu Meyssen vnsern lieben oheimen curfursten vnd fursten, angesehen ir dimutig vnd zimlich bete auch getrew anneme vnd nuczper dinste, die ir voruordern vnd sy vns vnd vnsern vorfarn am reiche vnd sonnder der yeczgenant herczog Albrecht etlich zeit in vnserm keyserlichen hofe vnuerdrossenlich getan hat vnd